

Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին


27.02.2019թ.

17-2-539
27.02.2019թ.

ք.Երևան

Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Տիգրան Գրիգորյանի դիմումի շուրջ ստեղծված նյութերը,

Պ Ա Ր Զ Ե Ց Ի



2019թ. փետրվարի 7-ին Երևան քաղաքի Նոր-Արեշ 20 փողոցի 39 տան բնակիչ Տիգրան Գրիգորյանը Ճանապարհային ոստիկանություն ներկայացված դիմումով հայտնել է, որ 05.02.2019թ. Ճանապարհային ոստիկանության տեսուչ Մանուկյանն իր նկատմամբ կայացրել է ԱԴ թիվ 808637 որոշումը՝ ավտոմոբիլն անվտանգության գոտիով չամրակապված վիճակում վարելու վերաբերյալ, որի հետ համաձայն չէ, քանի որ իրավախախտումն եղել է թվացյալ:

Դիմումատուն խնդրել է բեկանել իր նկատմամբ կայացած որոշումը:

Դիմումի ուսումնասիրությամբ պարզվել է, որ 05.02.2019թ. Երևան քաղաքի Վ.Սարգսյան փողոցում քաղ.Տիգրան Գրիգորյանի կողմից վարած <<Հյունդախ>> մակնիշի 17 TG 717 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃԴԾ 1-ին սպայական գումարտակի 2-րդ սպայական դասակի տեսուչներ, ոստիկանության լեյտենանտ Վ.Մանուկյանի և ոստիկանության լեյտենանտ Ա.Սիրադեղյանի կողմից՝ ՃԵԱԱՄՕ-ի խախտման համար, այն է՝ վարորդն ավտոմոբիլը վարել է անվտանգության գոտիով չամրակապված վիճակում: Վարորդի նկատմամբ կազմվել է վարչական իրավախախտման վերաբերյալ արձանագրություն և, համաձայն ՀՀ ՎԻՎ օրենսգրքի 123.3-րդ հոդվածի, կայացվել է ԱԴ թիվ 808637 որոշումը՝ 5000 դրամ տուգանելու մասին:

2019թ. փետրվարի 15-ին ծանուցագրի միջոցով քաղ.Տիգրան Գրիգորյանը Ճանապարհային ոստիկանության պետին հասցեագրած դիմումի քննարկմանը մասնակցելու նպատակով հրավիրվել է ՃՈ ՃԴԾ բաժին, սակայն չի ներկայացել:

Ըստ ծառայողների գրավոր բացատրությունների՝ Հանրապետության Հրապարակում նկատել են, որ <<Հյունդախ>> մակնիշի 17 TG 717 հաշվառման համարանիշի ավտոմոբիլի վարորդն երթևեկում է անվտանգության գոտիով չամրակապված վիճակում: Սահմանված կարգով կանգնեցնելուց հետո տեսուչ Մանուկյանը մոտեցել է վարորդին, ներկայացել, հայտնել կանգնեցման պատճառը և պահանջել է փաստաթղթերը: Հաշվի առնելով, որ խախտումն եղել է ակնհայտ, պարզ տեսանելի և ծառայողների տեսադաշտում՝ վարորդի նկատմամբ կազմվել է վարչական իրավախախտման վերաբերյալ արձանագրություն, որից հետո վերջինս ծանոթացել է դրա բովանդակությանը և նշել իր անհամաձայնությունը,

այնուհետև կայացվել է որոշում, որից հետո վարորդը ստացել է որոշման իր օրինակն ու փաստաթղթերը և հեռացել:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, քաղ.Տիգրան Գրիգորյանի արարքում առկա է վարչական իրավախախտումների վերաբերյալ ՀՀ օրենսգրքի 123.3-րդ հոդվածով նախատեսված իրավախախտման զանցակազմը, ուստի, ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տիգրան Գրիգորյանի դիմումը թողնել առանց բավարարման, իսկ Ճանապարհային ոստիկանության ՃՊԾ 1-ին սպայական գումարտակի 2-րդ սպայական դասակի տեսուչ, ոստիկանության լեյտենանտ Վ.Մանուկյանի կողմից կազմած վարչական իրավախախտման վերաբերյալ արձանագրության հիման վրա 05.02.2019թ. կայացված ԱԴ թիվ 808637 որոշումը՝ Տիգրան Գրիգորյանին հինգ հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել Ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:



Ե.Կարապետյան

Կատարող՝ Գ.Օհանյան
011-567944